

duxit Johannam Ferdinandi Catho-
 lici filiam, per quam regnorum Hi-
 spanicorum omnium, quæ socer ei
 cesit, anno MDVI. felicissimus factus
 est hæres. Et quamvis ante Ferdi-
 nandum socerum hoc ipso seculi su-
 perioris anno sexto decederet, Ferdi-
 nandus tamen anno MDXVI. moriens
 Carolo ex Philippo genero nepoti
 florentissima regna reliquit: quæ ab
 illo tempore in Austriacorum mani-
 bus fuerunt, ex ordine sibi succeden-
 tibus Caroli V. filio Philippo II. qui
 Philippum III. Philippi IV. patrem ge-
 nuit: hodieque Carolus Philippi IV.
 filius anno MDCLXI. natus tutela ma-
 tris Mariæ Annæ, Ferdinandi III. Cæ-
 saris filiaë iamjam egressus, Hispa-
 nicorum regnorum est Dominus.

§. CCXLII. Maximilianus autem
 anno MDXIX. excedens vita in regno
 Germanico accepit successorem ex
 Philippo filio nepotem, Hispaniaë
 Regem, CAROLVM V. Gandavi
 in Flandria, ubi in præsentem diem
 ejus